



Broj: 05-07-11-32825/25
Sarajevo, 10.06.2025. godine

Na osnovu člana 13. stav (1), člana 14. stav (4), člana 17. stav (1), člana 18. stav (1) i člana 25. Zakona o javnim nabavkama ("Službeni glasnik BiH", br. 39/14, 59/22 i 50/24), člana 70. stav (1) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), ministar komunalne privrede, infrastrukture, prostornog uređenja, građenja i zaštite okoliša Kantona Sarajevo **d o n o s i**

O D L U K U
o pokretanju postupka javne nabavke

Član 1.

Predmet javne nabavke: „Nabavka i isporuka kancelarijskog namještaja za potrebe Ministarstva“.

Član 2.

Procijenjena vrijednost javne nabavke: **39.000,00 KM bez PDV-a.**

Član 3.

Budžetska pozicija sa koje se plaća nabavka: **Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo**

Član 4.

JRJN: **39130000-2 (Kancelarijski namještaj)**
Konto: **ekonomski kod 82130 - druge ugovorene i druge posebne usluge, subanalitika YAX002 „Nabavka opreme“.**

Član 5.

Vrsta postupka javne nabavke: **Otvoreni postupak**

Član 6.

Ova odluka stupa na snagu danom donošenja.

OBRAZLOŽENJE

Odluka o pokretanju postupka javne nabavke donosi se u skladu sa odredbama člana 18. Zakona o javnim nabavkama („Službeni glasnik BiH“ br. 39/14, 59/22 i 50/24), a u skladu sa Planom nabavki Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo broj: 05-07-11-15094/25 od 25.04.2025.godine.

Sredstva za nabavku su planirana Budžetom Kantona Sarajevo za 2025. godinu na poziciji Ministarstva komunalne privrede, infrastrukture, prostornog uređenja, građenja i zaštite okoliša, ekonomski kod 82130, subanalitika YAX002 - nabavka opreme, a procijenjena vrijednost nabavke je 93.500,00 KM bez PDV-a.

Shodno navedenom, donesena je Odluka kao u dispozitivu.

Dostaviti:

1. Predsjedniku Komisije;
2. Sektoru za ekonomsko-finansijske poslove i javne nabavke;
3. Evidenciji;
4. A/a.


MINISTAR

Mladen Randurević

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede,
infrastrukture, prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне привреде,
инфраструктуре, просторног уређења,
грађења и заштите околиша

Bosnia and Herzegovina
Federation of Bosnia and Herzegovina
CANTON SARAJEVO
Ministry of Communal Economy, Infrastructure, Physical
Planning, Construction and Environmental Protection

Broj: 05-07-11-32825-4/25
Sarajevo, 07.07.2025. godine

Na osnovu člana 69. stav (1) tačka a) i člana 70. stav (1), (3), (6) Zakona o javnim nabavkama ("Službeni glasnik BiH", broj: 39/14, 59/22 i 50/24), te Preporuke Komisije u postupku javne nabavke pod nazivom "Nabavka i isporuka kancelarijskog namještaja za potrebe Ministarstva" kao i Zapisnika o pregledu i ocjeni ponuda broj: 05-07-11-32825/25 od 01.07.2025. godine, Ministar komunalne privrede, infrastrukture, prostornog uređenja, građenja i zaštite okoliša Kantona Sarajevo donosi:

ODLUKU

o izboru najpovoljnijeg ponuđača

Član 1.

Prihvata se ponuda ponuđača R&S d.o.o. Sarajevo, ul. Igmanska bb, 71 320 Vogošća, ponuda broj: 05-11-37654/25 od 01.07.2025. godine, sa iznosom ponude od 32.310,00 bez uračunatog PDV-a i dodjeljuje se ugovor za nabavku robe "Nabavka i isporuka kancelarijskog namještaja za potrebe Ministarstva" navedenom ponuđaču.

Član 2.

Ova Odluka stupa na snagu danom donošenja i objavit će se na web stranici Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo <http://mkipgo.ks.gov.ba>, istovremeno sa upućivanjem iste ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

Član 3.

Ugovorni organ će sa izabranim ponuđačem zaključiti odgovarajući ugovor kojim će se regulisati međusobna prava i obaveze ugovornih strana shodno zahtjevima ugovornog organa i odgovarajućim zakonskim propisima, te će se Prijedlog Ugovora dostaviti na potpis izabranom ponuđaču.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>, E-mail: mkipgo@mkipgo.ks.gov.ba

Obrazloženje

Na osnovu Odluke o pokretanju postupka javne nabavke broj: 05-07-11-32825/25 od 10.06.2025. godine, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo pokrenulo je otvoreni postupak za "Nabavku i isporuku kancelarijskog namještaja za potrebe Ministarstva" za koji je objavljeno obavještenje na Portalu javnih nabavki, broj: 28715-1-1-5-3-4/25 od 11.06.2025. godine i obavještenje u "Službenom glasniku" broj: 35/25 od 13.06.2025. godine.

Tenderskom dokumentacijom, kao i obavještenjem o nabavci koje je objavljeno na Portalu javnih nabavki, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo propisalo je da rok za dostavu ponuda ističe 01.07.2025. godine u 15:00 sati.

U predviđenom roku za dostavu ponuda pristigle su 2 (dvije) ponude i to ponuda R&S d.o.o. Sarajevo, ul. Igmanska bb, 71 320 Vogošća, ponuda broj: 05-011-37654/25 od 01.07.2025. godine i ponuda INTER-COM d.o.o. Zenica, ul. Vrandučka broj 71b, 72 000 Zenica, ponuda broj: 05-11-37826/25 od 01.07.2025. godine, a što je i konstatovano u Zapisniku sa otvaranja ponuda od 01.07.2025. godine, koji je dostavljen učesnicima postupka u zakonskom roku.

Daljim pregledom priložene dokumentacije uz ponudu i suštinskom provjerom sadržaja i validnosti iste, Komisija je utvrdila da su ponude ponuđača:

1. **R&S d.o.o. Sarajevo**, ul. Igmanska bb, 71 320 Vogošća, ponuda broj: 05-011-37654/25 od 01.07.2025. godine, sa iznosom ponude od 32.310,00 KM bez uračunatog PDV-a,
2. **INTER-COM d.o.o. Zenica**, ul. Vrandučka broj 71b, 72 000 Zenica, ponuda broj: 5-11-37826/25 od 01.07.2025. godine, sa iznosom ponude od 38.820,00 KM bez uračunatog PDV-a,

prihvatljive i ispunjavaju formalno-pravne, tehničke i ekonomske uslove iz tenderske dokumentacije. Postupajući u skladu sa odredbama tačke 1.8.3 (E-AUKCIJA), a shodno odredbama Pravilnika o uslovima i načinu korištenja e-aukcije ("Službeni glasnik BiH", broj: 80/23) zakazana je e-aukcija za dan 04.07.2025. godine u 13:00 sati, sa predviđenim trajanjem e-aukcije od 10 minuta, a o čemu su ponuđači koji su podnijeli prihvatljive ponude istovremeno obaviješteni putem sistemske notifikacije sistema "e-Nabavke".

Zakazana e-aukcija u predmetnom postupku javne nabavke je trajala ukupno 10 minuta, a tokom trajanja iste ponuđači nisu podnosili nove cijene, izmjenjene naniže. Okončanjem e-aukcije, a shodno Izvještaju o toku i završetku e-aukcije, sačinjena je konačna rang lista ponuđača koji su učestvovali u e-aukciji, a kako slijedi:

1. **R&S d.o.o. Sarajevo**, ul. Igmanska bb, 71 320 Vogošća, ponuda broj: 05-011-37654/25 od 01.07.2025. godine, sa iznosom ponude od 32.310,00 KM bez uračunatog PDV-a,
2. **INTER-COM d.o.o. Zenica**, ul. Vrandučka broj 71b, 72 000 Zenica, ponuda broj: 5-11-37826/25 od 01.07.2025. godine, sa iznosom ponude od 38.820,00 KM bez uračunatog PDV-a,



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>, E-mail: mkipgo@mkipgo.ks.gov.ba

Na osnovu utvrđenog kriterija za vrednovanje ponuda "najniža cijena", a nakon okončane e-aukcije, ugovorni organ je shodno odredbama Zakona o javnim nabavkama i općim aktima ugovornog organa, uspostavio rang listu prihvatljivih ponuda, a kako slijedi:

1. **R&S d.o.o. Sarajevo**, ul. Igmanska bb, 71 320 Vogošća, ponuda broj: 05-011-37654/25 od 01.07.2025. godine, sa iznosom ponude od 32.310,00 KM bez uračunatog PDV-a,
2. **INTER-COM d.o.o. Zenica**, ul. Vrandučka broj 71b, 72 000 Zenica, ponuda broj: 5-11-37826/25 od 01.07.2025. godine, sa iznosom ponude od 38.820,00 KM bez uračunatog PDV-a.

U postupku je utvrđeno da je izbor najpovoljnijeg ponuđača izvršen u skladu sa odredbama Zakona o javnim nabavkama Bosne i Hercegovine i pripadajućim podzakonskim aktima, te je prihvaćena preporuka Komisije za provođenje postupka javne nabavke i donesena odluka kao u dispozitivu.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona o javnim nabavkama ima pravo uložiti žalbu u skladu sa članom 99. i 101. Zakona o javnim nabavkama ("Službeni glasnik BiH", broj: 39/14, 59/22 i 50/24).

Žalba se podnosi Ugovornom organu neposredno ili preporučeno putem pošte na adresu: Reisa Džemaludina Čauševića broj 1., kao prvostepenom organu u žalbenom postupku.

Žalilac je obavezan platiti naknadu za pokretanje žalbenog postupka u skladu sa članom 108. Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.

Dokaz o plaćenju naknade za pokretanje žalbenog postupka obavezno se dostavlja ugovornom organu u roku za izjavljivanje žalbe.



Dostaviti:

1. Svim učesnicima postupka javne nabavke, e-mailom,
2. Sekretar Komisije,
3. Arhiva.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>, E-mail: mkipgo@mkipgo.ks.gov.ba

3/3

Na osnovu člana 72. Zakona o javnim nabavkama („Službeni glasnik BiH”, br. 39/14, 59/22 i 50/24), a nakon okončanog Otvorenog postupka javne nabavke na osnovu obavještenja o javnoj nabavci objavljenog na Portalu javnih nabavki broj: 28715-1-1-5-3-4/25 od 11.06.2025. godine i u "Službenom glasniku BiH", broj: 35/25 od 13.06.2025. godine za nabavku i isporuku kancelarijskog namještaja za potrebe Ministarstva, kao i Odluke o izboru najpovoljnijeg ponuđača broj: 05-07-11-32825-4/25 od 07.07.2025. godine, zaključuje se:

UGOVOR O KUPOPRODAJI KANCELARIJSKOG NAMJEŠTAJA

UGOVORNE STRANE:

1. KANTON SARAJEVO

**MINISTARSTVO KOMUNALNE PRIVREDE, INFRASTRUKTURE,
PROSTORNOG UREĐENJA, GRAĐENJA I ZAŠTITE OKOLIŠA, ID broj:
4202841370003,**

ul. Reisa Džemaludina Čauševića broj 1, 71 000 Sarajevo

koje zastupa ministar Mladen Pandurević

(u daljem tekstu Kupac)

i

**2. R & S, ul. Igmanska bb, 71 320 Vogošća, ID broj: 4200056290005, koju zastupa
Direktor Pahor Damir (u daljnjem tekstu: Prodavac)**

Član 1.

Predmet Ugovora je nabavka i isporuka kancelarijskog namještaja prema uslovima ponude broj: 24150/25 od 27.06.2025. godine, zaprimljene na pisarnici Kantona Sarajevo pod brojem 05-11-37654/25 od 01.07.2025. godine (u daljem tekstu: Ponuda), a koja je zaprimljena u postupku javne nabavke i isporuke kancelarijskog namještaja.

Član 2.

Obim isporuka iskazan u tački 1. ovog Ugovora, obuhvata:

- isporuku namještaja u pripremljenim prostorijama. Kupca,
- montažu i
- održavanje u garantnom roku.

Član 3.

1. Ukupna ugovorena vrijednost Ugovora iznosi:

Ukupna cijena bez PDV-a 32.310,00 KM

PDV 17% 5.492,70 KM

Ukupna cijena sa PDV-om 37.802,70 KM

Slovima: (tridesetsedamhiljada)

2. Cijena po ovom Ugovoru podrazumijeva paritet fco Sarajevo, isporučeno na sjedište Kupca (centralna zgrada Kantona Sarajevo u ul. Reisa Džemaludina Čauševića broj 1), ocarinjeno, bez poreza na promet.

Član 4.

Rok za isporuku namještaja iz člana 1. ovog Ugovora je 60 dana od dana potpisivanja ugovora.

Član 5.

1. Primopredaja namještaja vrši se potpisom otpremnice, a ista se potpisuje nakon kvalitativnog i kvantitativnog prijema namještaja.

2. Ukoliko se pregledom utvrdi da kvalitet i kvantitet ponuđenog namještaja ne odgovara traženom i ponudom utvrđenom kvalitetu i kvantitetu, Kupac zadržava pravo da traži otklanjanje nedostataka, odnosno ako se nedostaci ne otklone u roku od 48h da raskine ugovor na štetu Prodavca.

Član 6.

1. Za ugovoreni namještaj iz člana 1. ovog Ugovora Prodavac daje garanciju na kvalitet i funkcionalnost u trajanju od minimalno:

- **12 (dvanaest) mjeseci od dana isporuke.**

2. Garancija za namještaj obuhvata sve kvarove nastale uslijed grešaka u projektovanju, proizvodnji i materijalu.

3. Garancija podrazumijeva obavezu davaoca garancije (proizvođača) da bez naknade otkloni sve nedostatke i/ili neispravnosti koje su nastale na namještaju za vrijeme trajanja garancije, a koje se mogu smatrati greškom proizvođača. Garancija obuhvata popravku ili otklanjanje utvrđenih nedostataka i/ili neispravnosti ili zamjenu neispravnih dijelova.

4. Sve neispravne komponente ili dijelovi namještaja ostaju vlasništvo prodavca.

5. Garancija se ne priznaje u slučaju kada je do kvara na namještaju došlo uslijed:

- a) nepravilne, nestručne upotrebe namještaja,

- b) neadekvatnih uslova za rad namještaja,
- c) više sile i
- d) drugih nepredviđenih događaja.

6. Kupac gubi pravo na garanciju ako u toku garantnog perioda, bez pristanka ovlaštenog servisa, sam ili putem trećih lica vrši popravke na predmetu Ugovora.

7. Prodavac se obavezuje da će po isteku garantnog roka obezbijediti Kupcu nabavku rezervnih dijelova u periodu od najmanje 36 mjeseci.

Član 7.

Plaćanje će se izvršiti u roku od 30 dana od dana isporuke, montaže i fakturisanja namještaja.

Član 8.

1. Sve eventualne sporove koji proisteknu iz ovog Ugovora će rješavati ugovorne strane sporazumno.
2. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu.

Član 9.

1. Ugovor se dostavlja na potpis izabranom ponuđaču u skladu sa članom 72. stav (1) i članom 98. stav (2) Zakona o javnim nabavkama ("Službeni glasnik BiH", broj: 39/14, 59/22 i 50/24).
2. Ponuđač je dužan prihvatiti i potpisati ugovor u roku od 3 dana od dana prijema istog, u suprotnom će se smatrati da ponuđač odustaje od ugovora.

Član 10.

1. U slučaju da ugovorna strana ne bi mogla djelimično ili u potpunosti ispuniti svoje obaveze zbog više sile, dužna je o tome odmah pismeno obavijestiti drugu ugovorenu stranu.
2. Viša sila su svi uzroci i događaji, na koje ugovorne strane ne mogu uticati, nisu ih mogle predvidjeti niti spriječiti.
3. Ako viša sila traje duže vremena, pa je time otežano ili onemogućeno ispunjavanje ugovornih obaveza duže od 90 dana, svaka ugovorna strana može raskinuti ugovor.
4. Ugovorna strana koja snosi posljedice više sile, dužna je na zahtjev druge ugovorne strane dostaviti dokaz o tim posljedicama.

Član 11.

1. Prodavac nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.
2. Sve eventualne dopune i izmjene ovog Ugovora moguće je obaviti nakon provođenja zakonom utvrđenih procedura, pismeno, potpisivanjem novog Ugovora, uz saglasnost ugovornih strana.

Član 12.

Ovaj ugovor je sastavljen u 4 (četiri) istovjetna primjerka od kojih svaka strana zadržava po 2 (dva) primjerka.

KUPAC

KANTON SARAJEVO
MINISTARSTVO KOMUNALNE
PRIVREDE, INFRASTRUKTURE,
PROSTORNOG UREĐENJA,
GRADENJA I ZAŠTITE OKOLIŠA,



Broj: 05-07-11-32825/25

Datum: 23.07.2025. godine

PRODAVAC

R&S D.O.O. SARAJEVO



Broj: 534/2025

Datum: 28.07.2025

